

Lajčák se susreo sa Rehnom: dugo očekivani Sporazum o reformi policije usvojen

Lideri Bosne i Hercegovine su pokazali spremnost da postignu sporazume i krenu dalje na putu ka Evropskoj uniji – u tome su se danas u Sarajevu složili visoki predstavnik/specijalni predstavnik EU Miroslav Lajčák i evropski komesar za proširenje Olli Rehn.

“Pozdravljam odluku Vijeća ministara da usvoji Mostarsku deklaraciju i Akcioni plan o reformi policije, koji sadrže precizne rokove i obaveze,” rekao je visoki predstavnik/specijalni predstavnik EU nakon sastanka. “Politička debata u Bosni i Hercegovini ulazi u novu fazu. Političari su pokazali vodstvo i spremnost da postignu kompromis u korist svih građana. To je pohvalno i vjerujem da će Evropska unija uvidjeti ovu novu političku dinamiku.”

Lajčák i Rehn su pozvali političke lidere, Vijeće ministara i Parlament da nakon nedavnih postignuća nastave s napretkom kako bi osigurali da Bosna i Hercegovina ide ukorak sa susjedima i načini brze pomake prema Evropskoj uniji.